

四庫全書

集部

欽定四庫全書

集部

宋詩鈔卷

九十一

詳校官中書臣賈鏊

主事銜臣徐以坤覆勘

總校官編修臣王燕緒

校對官中書臣劉源溥

謄錄監生臣鄭家屏

欽定四庫全書

宋詩鈔卷九十

內閣中書舍人吳之振編

劉克莊後村集

下

挽方孚若寺丞二首

使君神雋似龍麟
行地飛空不可馴
詩裏得朋卿與我
酒邊爭霸世無人
寶釵去盡中年病
珠屨來疎晚節貧
昔共誅茅聽瀑處
溪雲谷月亦悲辛

斯人詎意掩斯丘六合茫茫不可求射虎山中如昨日
騎鯨海上忽千秋帝方欲老長沙傳寇尚能言博望侯
回首瀕溪溪畔路跛驢無復從公遊

挽方武成

左鉞

牛角詩名出流傳海內誇師稱起予者翁問倩人邪惜
未參諸老猶堪擅一家從今崖瀑上誰共訪梅花

壽昌

山路泥深雪未乾病身初怕浙西寒新年臺歷無人寄

且就村翁壁上看

記夢

父兄誨我髧髧初老不成名鬢髮踈紙帳鐵檠風雪夜
夢中猶誦少時書

杜丞

憶冒重圍入孤城賴不亡戰功何日賞檄草至今藏舊
事歸詩卷新寒入箭創江邊逢杜杲髧髮各蒼蒼

久客

金匱要略卷九
卷九十
久客長安市人情薄似雲寧為絕交論不著送窮文白
髮長千丈黃金盡百斤故山春事動深恐廢耕耘

贈陳起

陳侯生長紛華地却以芸香自沐薰鍊句豈非林處士
驚書莫是穆參軍雨簷兀坐忘春去雪按清談至夜分
何日我閒君閉肆扁舟同泛北山雲

贈翁卷

非止擅唐風尤于選體工有時千載事祇在一聯中世

自輕前輩天猶活此翁江湖不相見纔見又西東

題壁

兒時挾彈長安市不信人間果有愁行遍江南江北路
始知愁會白人頭

挽李尚書二首

韓范止如此公乎事又難不陪冶城廟合殉定軍山璽
出千官賀弓藏一老閒凋戈提十萬猶記凱歌還

幕下多材雋于今盡策勛可憐狂處士曾揖大將軍久

戌兒郎老新招部曲分此生甘寂寞有淚濕高墳

哭左次魏墓

甫痛何郎天丘明亦復然因思題墓上不若闢樽前劍

馬為誰得琴書有女傳惟應千載下酤食雪堂儂

君與何立

可皆江淮同暮
相繼歿于齊安

寄永嘉王侍郎

珍重西清老書來訪薜蘿為邦應好在作佛竟如何花

押常衙少柑香盡坐多聞公須尚黑未害小婆娑

秋熱憶舊遊

塞上秋光冷似冰當年豪舉氣憑陵
打毬不用炎方馬
按獵初調異國鷹
山寨淒涼聞戍鼓
水村搖落見漁燈
而今病渴茅簷底
追記猶堪洗鬱蒸

哭李景溫架閣

大有

挾策說荊州那知亦聞投漫招溫處士
幾殺杜叅謀
出幕有清議還鄉空白頭
人間容不得下與阿翁遊

建寧
丞相

其祖
也

送項季約赴衡教

符

博士非如吏巍然道自居諸生趨避席太守揖升車朱
筆濃批卷青燈細勘書漢廷重文藻行矣召嚴徐

送張應斗還番陽

萋荔漫山霧雨繁虬鬚客子悔南轅久留閩國誰堪語
却憶番君可與言豪傑雖窮留氣在聖賢不死有書存
歸時洗換征衣了陳箇深山緊閉門

為圓二首

屋邊廢地稍平治，裝點風光要自怡。
愛敬古梅如宿士，護持新筍似嬰兒。
花寒易買姑添價，亭子難營且築基。
老矣四科無入處，旋鉏小圃學樊遲。

衰病歸來占把茅，譬如僧葺退居寮。
因存橘樹斜通徑，怕礙荷花小著橋。
古有功名興釣築，今無物色到溪樵。
可憐歲晚閒雙手，種罷蕪菁擷菊苗。

挽表叔趙君任安撫

綸忠簡孫

叔在兵間日書常，笑我孱初云機會易。
晚歎事功難寂

莫郎官省荒涼上將壇遙憐會稽空新種短松寒

蘇李泣別圖

方孝若故物
近為人取去

風雲慘悽草樹枯死笳鳴馬嘶弦驚鵲起熟看境色非
人間祁連山下想如此手持尊酒別故人此生再面真
無因中外健兒俱動色路傍觀者為悲辛歸來暗灑茂
陵淚子孟少叔方用事白頭屬國冷如水空使窮廬歎忠
義茫茫事往賴畫存每愁歲久縑素昏即今畫亦落人
手古意淒涼誰復論

芙蓉二絕

湖上秋風起擢歌萬株映柳更依荷
老來不作繁華夢
一樹池邊已覺多

池上秋開一兩叢未妨冷淡伴詩翁
而今縱有看花意
不愛深紅愛淺紅

同鄭君瑞出瀨溪即事四首

汗血名駒白玉鞭本初父子喜華鮮
只今無復狂遊侶
自卸驢鞍古店前

鐵馬防秋記昔曾晚途消縮似寒蠅同時校尉俱封拜
誰伴將軍獵霸陵

北耗而今杳不知路傍羽檄走無時自憐滿鏡星星髮
羞見官中募士旗

老奴昔逐我西東捷似猿猱跳絕峰今日道旁扶一拐
乃公安得不能鍾

明皇按樂圖

鶯啼花開春晝遲掖庭無事方遨嬉廣平策免曲江去

十郎談笑居台司屏間無逸不復覩教難能鬪馬能舞
戲呼寧哥吹玉笛催喚花奴打羯鼓南衙羣臣朝見疎
老伶巨擘前後趨阿瞞半醉依玉座袖有曲譜無諫書
金盆皇孫真龍種浴罷六宮競圍擁惜哉傷有錦綳兒
蹴破成秦跳河隴古來治亂本無常東封未了西幸忙
輦邊貴人亦何罪禍胎似在偃月堂今人不識前朝事
但見斷縑粧束異豈知當日亂離人說着開元揔垂淚

即事四首

金谷記卷之二
買得荒郊五畝餘，旋營花木置琴書。
柳能樊圃猶須種，蘭縱當門亦不鋤。
無力改牆姑覆草，多方存井要澆蔬。
區區才志聊如此，誰謂先生廣且疎。

目為詩客不勝慙，喚作園翁定自堪。
抱甕荷鋤非鄙事，栽花移竹似清談。
野人只識羹芹美，相國安知食笋甘。

富鄭公事
晚覺齊民書最要，惜無幽士肯同參。

墻角新開白版扉，時尋樵牧弄煙霏。
代耕豈若收躬稼，賜帛何如出自機。
湖海浪遊今已倦，山林獨往未全非。

百年只願身強健長為慈親負米歸

待鑿新池引一灣更規高阜敞三間縮牆恐犯鄰家地
減樹圖看屋後山身隱免貽千載笑書成猶要十年閒
門前薦有相尋者但說翁今怕往還

書事二首

竭海夷山氣力雄只愁無術駐顏紅却須擘劃千餘歲

多買丹砂置女僮

章子云人生豈不能
擘劃得二三百歲

因治陶朱術太精世間無物足經營更將郭璞書頻看

只恐青山盡鑿平

再和熊主簿梅花十絕

是時梅花已過因觀海棠

色淡乍擣守宮紅
片細俄隨蛺蝶風
到得離披無意緒
精神全在半開中

薔薇難比況金沙
一種風標富貴家
我有公評君記取
惜花須惜海棠花

千株絳雪照滄灣
應笑劉郎帶老顏
尚有少年情味在
戲搜綺語續花間

鳳州宮柳昔曾攀亦醉瓊花芍藥間
獨有海棠心未足
每逢多處必來看

別園水竹絕幽清花徑繁紅蘚砌青
何處貴遊開步障
誰家生色畫深屏

徙倚溪亭惜墜芳恨無異域返魂香
殘枝併恐風吹去
插在金瓶置坐傍

忽憶聯鞍過水西重尋前約未參差
祇愁人議風流罪
屢出看花數賦詩

淡賞無煩羯鼓催解鞍便可坐莓苔莫將花與楊妃比
能與三郎作禍胎

旋挑野菜拾青梅又向花邊得暫陪各選一枝替白髮
明年知與阿誰來

君憶東湖不久歸我思陳迹恍難追殷勤為報鶯花說
止有詩情似舊時

贈高九萬并寄孫李蕃二首

諸人凋落盡高叟亦中年行世有千首買山無一錢紫

髯長拂地白眼冷看天古道微如綫吾儕各勉旃
菊磻說花翁飄蓬向折中無書上皇帝有句惱天公世
事年年異詩人箇箇窮築臺并下榻今豈乏英雄

答惠州曾使君韻

先賢平易以觀詩不曉尖新與崛竒若似後儒穿鑿說
古人字字摠堪疑

送葉尚書奉祠

先生清夢繞林泉黃紙除書拜地僊報答吾君吾相了

徜徉某水某丘邊事光白傳求閒後銜似溫公約史年

溫公頌崇福

祠十五年

笑向故山猿鶴說古來晚節幾人全

答留通判元崇

不見龍驤與驥馳紛紛蟲篆鬬蛛絲君侯傑出南方者
老僕終當北面之憶玉樹枝勞遠夢熏薔薇水讀來詩
自慙眼力非關令紫氣浮空惜不知

築城行

萬夫喧喧不停杵杵聲丁丁驚后土徧村開田起窰竈

望青斫木作樓櫓天寒日短工役急白棒訶責如風雨
漢家丞相方憂邊築城功高除美官舊時廣野無城處
而今烽火列屯戍君不見高城齧齧如魚鱗城中蕭疎
空無人

開壕行

前人築城官已高後人下車來開壕畫圖先至中書省
諸公聚看稱賢勞壕深數丈周十里役兵大半化為鬼
傳聞又起旁縣夫鑿教四面皆成水何時此地不為邊

使我地脉重相連

運糧行

極邊官軍守戰場次邊丁壯俱運糧縣符旁午催調發
大車小車聲軋軋霜寒晷短路又滑檐夫肩穿牛蹠脫
嗚呼漢軍何日屯渭濱營中子弟皆耕人

苦寒行

十月邊頭風色惡官軍身上衣裘薄押衣勅使來不來
夜長甲冷睡難着長安城中多熱官朱門日高未啓關

重重幃箔施屏山中酒不知屏外寒

國殤行

官軍半夜血戰來平明軍中收遺骸埋時先剥身上甲
標成叢塚高崔嵬姓名虛挂陣亡籍家寒無俸孤無澤
烏虜諸將官日穹豈知萬鬼號陰風

軍中樂

行營面面設刁斗帳門深深萬人守將軍貴重不據鞍
夜夜發兵防隘口自言敵畏不敢犯射麋捕鹿來行酒

更闌酒醒山月落絲縑百段支女樂誰知營中血戰人
無錢得合金瘡藥

寄衣曲

征夫去時着紵葛征夫未回天雨雪夜呵刀尺製寒衣
兒小却倩人封題上有淚痕不教洗征夫見時認針指
殷勤着向邊城裏莫遣寒風吹膝理江南江北一水間
古人萬里戍玉關

大梁老人行

大梁宮中設壇屋大梁少年新結束少年嬉笑老人悲
尚記二帝蒙塵時烏虜國君之讐通百世無人按劒決
大議何當偏師如廣利一驢馱載送都市

朝陵行

國家諸陵陷河北盜發寶衣斧陵木或言陵下往來人
夜聞翁仲草間哭何年却遣朝陵官含桃璀璨登金槃
悲哉人家墳墓各有主誰修永昌一坏土

破陣曲

黃旗一片邊頭迴兩河百郡送款來至尊御殿受捷奏
六軍張凱聲如雷元戎劒履雲臺上麾下偏裨皆將相
腐儒筆力尚跌宕燕山之銘高十丈

挽陳北山二首

雖拜龍圖號自稱槃澗翁生難招此老死可見文公斷
簡功夫久浹衣笑語終空餘藏藁在虹氣貫山中

掘筆臨池慣殘書映雪勤今寧無古篆宋復有唐文荒
草周顒宅空山董相墳何時攜斗酒一酌墨溪雲

東陳寺丞築城

事變相尋智亦新
爛泥堆起石嶙峋
斷無餘力謀蒸土
頗有陶觀哂寘薪
自古虛心容議者
即今枵腹役耕民
姑尤聊攝皆齊境
莫遣郊封有詛人

答楊驥

一生忠孝發於詩
不為桃根與柳枝
棗本流傳容有偽
篋家穿鑿苦求奇
偶全要領慙輕典
虛嘔心肝悔少時
澤畔累臣搔白首
孤吟不敢累親知

挽陳師復寺丞二首

已奏囊封墨尚新又攜袖疏榻前陳小臣憂國言無隱
先帝如天笑不嗔闕下舉幡空太學路傍卧轍幾遺民
愚儒未解天公意偏壽它人天此人

歲晚滄洲築草堂却將逢掖換軒裳市朝共歎鳳高翥
世俗或疑麟不祥童子舉扶猶慷慨門人要經更淒涼
衰殘無復相鐫切遺墨常留几按傍

辛卯滿散天基節卽事四首

老作黃冠返舊山尚支驛料破衙官孤臣毫髮皆君賜
獨坐風廊不覺寒

門廡無人殿未開白頭散吏久徘徊年年歲歲千秋節
長占羣官第一來

聞說都人競出嬉御街簫鼓倍年時相公入奏天顏喜
半夜揚州送捷旗

約已隆親禮不同鈞天無譙錫臣工太皇勲德侔高帝
陛下謙恭似孝宗

還黃鏞詩卷

曾伴靈芝湖上吟當年一悟至如今源流不亂知歸趣
篇什無多見苦心貫蟲工夫須切近膾鯨力量要雄深
暮年誰可談茲事益有村醪且自斟

題陳遂鄉隱居

蚤日稱雄翰墨林暮年里巷且浮沉諸君自負遺賢媿

處士元無訪國心

杜牧送薛處士序處士之名自負也訪國也

子佩子衿輸

少俊某丘某水揀幽深明時莫作逃堯計忽有弓旌底

處尋

題白渡方氏聽蛙亭

塘水拍隄科斗生想君亭子俯幽清
黃梅雨足野田潤
牡麴煙收村墅晴
莫信人嫌無理鬧
頗疑渠有不平鳴
畫堂方喜聽琴阮
誰愛天然律呂聲

贈鍾主簿父子

旗鈴接迹向西馳
丹桂靈椿並一時
競說郎君能跨竈
頗令老子欲笞兒
妙年不患錐無穎
前輩曾言木就規

金史四十一
卷九十
國相晏公元楚產何須千里遠求師

讀金鑒密記

仗下千官走似麕倉皇誰扈屬車塵禁中陸九艱危共
殿上朱三苦死嗔當日橫身抗歧汴暮年避地客甌閩
小窓細讀金鑒記始信香奩屬別人

香奩集和凝
作非致光也

獲硯

二硯溫如玉琢成信知天地有精英馬肝紫潤尤宜沐
鵲眼青圓宛似生未愛潘郎呼作友便教米老拜為兄

今年儿案多奇獲應是窮儒命漸亨

再獲一硯自和

三硯聯翩買券成絕勝玉杵聘雲英撫摩無粟向肌起
塗抹有花從筆生韞匱每愁逢暴客傾囊或恐費方兄
古來事業由勤苦不信磨穿道不亨

貧居自警二首

昨者匆匆擲印歸六年岑寂閉柴扉歲荒奴僅拾殘穗
日晏婢方羹苦薇寧渴莫賒鄰近酒儘寒不着借來衣

中年但祝身強健要卧松風坐釣磯

客過吾廬語至晡旋營鹽酪刈薪芻酒兼麟脯不時有

飯與魚羹何處無

荆公云何處無魚羹飯喫

力穡勿忘家世儉堆金

能使子孫愚俗兒未識貧中樂妄議書生骨相臞

寒食清明

寂寂柴門村落裏也教挿柳記年華禁煙不到粵人國

上冢亦攜龐老家漢寢唐陵無麥飯山蹊野徑有梨花

一尊徑藉青苔卧莫管城頭奏暮笳

贈馬相士二首

嫗貌何妨至輔臣，猴形亦有上麒麟。
伏波眉目空如畫，

不是雲臺劍佩人。

唐人嘲歐陽詢云：誰令麟閣上畫此一獼猴。

荀卿初了心形者，蒯徹安知背面哉。
別有精微書不載，待君見了季咸來。

和南塘食荔歎

君欲和詩無匆匆，唱首天下文章公。
今年荔子况倍熟，亭亭錦蓋高張空。
猿偷鵝啄牧童采，林間殘顆猶殷紅。

在昔唐家充歲貢吟諷何止杜陵翁南窮交州西蜀土
快馬馱送如飛龍絳裳冰肌初照眼玉環一笑恩光濃
惟閔以遠幸免浣一顆不到溫泉宮自從陳紫無真本
皺玉晚出尤稱雄邇來雞古擅瑰瑋贊香譽味萬喙同
麟臺仙人親題品天為此菓開遭逢乃知微物似有數
聲價亦與時汙隆列聖儉德被華戎微如淮白不敢供
奈何置驛奉私室安得木鐸觀民風山蹊谷塹目力窮
血肩踈足馳筠籠請公移此食荔數置在薰風殿閣中

送真西山再鎮溫陵

父老香花夾路催，朱幡那忍更徘徊。
弓張至此尤宜弛，珠去安知不復迴。
海上有艘堪致粟，洛中無篚勝生財。
泉人畢竟修何福，消得西山兩度來。

題鄭寧文卷

西山作跋

昔侍西山講習時，頗于函丈得精微。
書如逐客猶遭絀，辭取橫汾亦恐非。
箏笛豈能諧雅樂，綺紈元未識深衣。
嗟余老矣君方少，勤向師門扣指歸。

西山先生編文章正
宗如逐客書之類止

作小字附見內詩歌一門初委余哀輯余取秋風辭西山欲去之蓋其議論森嚴如此鄭君試以此意察之可也

悼阿駒五首

吾老方期汝亢宗愛憐不與衆雛同豈知希世千金產
止作空花賺廼翁

長兄開卷每隨聲大母繙經亦諦聽眉目分明無大法
恐緣了了與惺惺

北轍南轅有返期吾兒掣手去何之夢中玉雪來懷抱

愁絕鄰鐘喚醒時

眼有玄花因悼亡觀書對客兩茫茫情知淚是衰翁血
更為童烏滴數行

人生憂患本無涯強取瞿聃語自排吾母白頭猶念我
吞聲不敢惱慈懷

挽劉學諭

徐尤溪鹿卿之婦
翁豐城人名履

少游鄉校至華顛常以齏鹽養浩然科舉法行無譽士
丘園禮廢有遺賢劉蕡下第人稱屈李漢編文後必傳

聞道諸郎皆秀孝拂雲華表看它年

送陳戶曹之官襄陽二首

珽

丞相曾叅督府謀郎君今復贊邊籌彼哉金谷飲長夜
去矣玉關防盛秋尺度豈能拘快士功名斷不在中州
習池水滿隄花艷安得相陪賦遠遊

幕府秋風事日生叅軍匹馬去兼程起為楚舞何其壯
吟退吳歌在此行且喜峴山碑有跋不愁江表傳無名
老儒那復封侯夢止願躬耕看太平

病後訪梅九絕

夢得因桃數左遷長源為柳忤當權幸然不識桃并柳

也被梅花累十年

韋侯詠柳云青青東門柳歲晏必樵楊國忠以為讖已

先生歲晚被人疑梅畔渾無一字詩明月清風愁併案

野花啼鳥怕隨司

區區毛鄭號精專未必風人意果然犬彘不吞舒亶唾

豈堪與世作詩箋

和靖林間欬嗽時一邊覓句一邊飢而今始會天公意

不惜功名只惜詩

老子無糧可禦冬
強鳴飢吻和寒蛩
舍南舍北花如雪
止燕清香飽殺儂

與梅交絕幾星霜
瞥見南枝喜欲狂
便欲佩壺攜鐵笛
為花痛飲百千場

一聯半首致魁台前有沂公
後簡齊自是君詩無警策
梅花窮殺幾人來

春信分明到草廬
呼兒沽酒買溪魚
從前弄月嘲風罪

即日金鷄已赦除

菊得陶翁名愈重蓮因周子品尤尊後來誰判梅公案
斷自孤山迄後村

題龍眠十八尊者

嘗聞天台肉身往無從仁夫示此圖恍惚游其中應
真一一若舊識或踞怪石臨飛淙山鬼投牒何敬恭天
女問法尤丰茸盆魚鬚鬣等針粟放去天矯擎空濛山
深無人地祇出被服導從俾玉公前驅驚獸後夢魍徐

行殿以一瘦筇巉巉蒼壁設設松下有老宿眉雪濃石
橋滅沒雲氣斷似是鬼國非天工層冰融結挾怒瀑毒
虺噴薄含腥風至人于此方入定壞衲幕首枯株同等
閒一坐六十劫汝技有盡吾無窮書生往往談性命怵
以禍福猶兒童倒持手版口勸進對此寧不面發紅我
知龍眠筆外意要與濁世鍼盲聾退之云釋善變幻愷
之謂盡能神通幻耶神耶兩莫詰與子持叩西山翁

題林戶曹寒齋

取鄭介夫積雪
冒寒齋之句

舉世爭馳勢利場
君于冷處看人忙
不營摩詰散花室
只設蘇州聽雨床
種果園林無虎守
勘書窓几有螢光
直須喚起西堂老
來向齋中伴石塘

過建陽二首

溪上重來兩鬢絲
豈知拙政久猶思
旄倪欲見葉公面
香火共存朱邑祠
爭勸令君持酒琖
不容老子閉車帷
誰言俗薄今非古
我與斯民各秉彝

白布裙襦雪滿顛
攜扶偃僂拜車前
皆言庾氏相因粟

猶是君侯不飲泉自昔活民須有備即今去客愧無權
愚公老矣癡如故長把心燈望後賢

過章戴

曾向明時雪李邕又聞名在聘賢中憶言鳴吻施茅屋
忍見龜趺立栢宮杯酒昔常陪賀老雙溪終待哭喬公

情知客淚先難制鄰笛那堪咽晚風

君為閩漕欲請余為屬既而曰茅屋

設鳴吻
乎遂止

答李泉州元善

平生陳無已白首欠吟債未嘗交馬呂况官見章蔡附
熱生可鄙中寒死亦快吾方尚此友巾車與同載前瞻
有膺湯却顧有融泰要當堅一壁詎可立兩界恕乎行
誼虧希也名節壞史君惠良箴下走敢不拜懷哉道義
交異彼姑息愛

送趙信州

貧者惟言可贈行臨分握手盡交情馬于轡力窮時駭
鷗向機心動處驚齊士豈無堪客禮蔡人便遣作牙兵

遙知陌上羅敷女競看雙旌出勸耕

題趙子固詩卷

紫芝仲白俱仙去晚秀惟君擅士林
字肖率更親手作詩疑賈島後身吟
九成合奏音方備三涂為繚色始深
老去尤于朋友篤未忘几研琢磨心

題袁秘書文藁

場屋聲名淳紹初同時一輩曉星疎
舉人尚記前鄉貢天子亦呼行秘書
出蜀詩堪編杜集涉相文可補騷餘

中朝典冊須鴻筆何必然藜照蠹魚

題廬陵羅生詩卷

門巷蕭然人迹少華裾客子袖文過織千機錦非常巧
熏一銖香已覺多持贈白雲情厚矣暗投明月愧如何
桃花水煖鱸堪膾恨不相攜買短蓑

送王實之

欲去還留每自憐竟為吾子著先鞭孤忠盡見萬言疏
十口同登一葉船屈法相傳煩聖主上書俱貶愧前賢

南歸定過西山下細把行藏告墓阡

鄭丞相生日口號四首

王呂紛更尚治安史韓拯伐始凋殘
廼知元祐調絃易却是端平變局難

舒黯淹留守相間平津千載有慙顏
惜渠不見端平相召了西山召鶴山

忤旨嬰鱗不自安明朝密啓與遷官
百僚舉笏私相語相國胸中得許寬

轉了頭廳屢乞歸已將傳舍視黃扉江湖不欠魚羹飯
直為君恩未拂衣

桐廬舟中即事

車前變帽同聲散門外華簪一揖休惟有浙江潮好事
官隨逐客到嚴州

田舍即事十首

去年贏粟尚儲餅又見新秧蘸水青野老逢人說慙愧
長官清白社公靈

村落爭看烏角巾略談北事向南人百年只有中州樂
世世無為塞下民

古來觀社見春秋茜袂銀釵盡出遊欲與魯人同獵較
可憐身世尚屯州

蹴踘鞦韆尖塵不浣臂鷹袖窄樣新裁社中年少相容否
也待鮮衣染鬢來

鄰壁嘲嗽誦學而老人睡少聽移時它年謹勿如張禹
帝問床前謬不知

田舍諸雛各雅馴
男兒盡有藝資身
古來醫卜多名世
莫學文章點詭人

條桑女子兩鬟垂
車馬過門未省窺
生長柴門蓬戶裏
安知世有二南詩

草草衣裝挈自隨
壻貧畢竟與齊眉
絕勝京洛傾城色
鍊向侯門作侍兒

兒女相攜看市優
縱談楚漢割鴻溝
山河不暇為渠惜
聽到虞姬直是愁

溪上漁郎占斷春
一川碧浪映紅雲
問渠定是神仙否
舫去如飛語不聞

送徐鼎夫用廬陵通守博士戴文韻

一春風雨郡齋寒
荒了麻姑老子壇

余嘗主仙都玉局觀

史抱文

書排闥至客攜詩卷
退衙看愁來鏡裏絲
難染老去曾中錦
已殘若棹扁舟見安道
為言歲晚習申韓

送趙叔愚赴潯州理掾

未奉三雍對聊為五筦行
鄉書踰嶺少詩思入湘清
遠

宦身差穩中州事日生向來幾離別此別最關情

寄徐真翁侍郎

憶昨紛紛衆喙鳴怪君噤齟久無聲得非家客留廷尉
或是閨人沮仲卿白壁微瑕終古在黃金橫帶霎時榮
從來公議無情甚莫遣蒙齋獨擅名

和仲弟二絕

一春簷溜不曾停滴破空階蘚暈青便是兒時對床雨
絕憐老大不同聽

鴈回杳杳渾無報
鵲語啾啾似有憑
忽得遠書看百過
眼昏自起剔殘燈

丁酉重九日宿順昌步雲閣絕句三首呈味道明

府

九月南州菊未黃
芙蓉取次獻新粧
不妨折取繁紅插
四海皆知兩鬢霜

只了年年作逐臣
衣冠縑縷面埃塵
偶逢令尹留連我
不畏狂生點澆人

先倩清風掃水軒更呼涼月倒金樽
定知明府歸侵夜縣郭留燈未閉門

挽鄭子敬都承

重入修門兩鬢絲延和累疏竭忠規
立朝頗慕汲生慙謀國不知晁氏危
老去故人能有幾古來君子例無時
傳聞近事堪悲慨說向從前亦皺眉

次韻實之二首

孤臣去國四經春迹遠安知罪尚新
蚤亦曾譏秦氏者

諛為與議濮園人懶箋光範干時宰且伴田家賽社神
醉倒不能愁世事情他煙柳替含顰

向來歲月半投閒莫歎朝朝苜蓿盤身後芬芳聊自詎
眼前腥腐飽曾餐蟲雞一笑何須較花鳥相疏恐被彈
清議自為儒者設未應羈束老黃冠

再和二首

借屋城中又一春桃符萬口說清新向來曾上慶厯頌
老去甘為元祐人健論真堪驚謫子固窮不肖媚錢神

吾評此士西塘比後進紛紛漫效顰

與君未得便安閒
邊警偏能惱澗槃
草地棗紅猶索鬪
田家稻白可能餐
誰將鐵綆橫江鎖
莫靠琵琶出塞彈
處處衝梯樓上舞
不應諸老自巍冠

挽南塘趙尚書

自從水心死塵柄獨歸公
于易疑程氏惟詩取晦翁
二箴家有本孤論世無同
不復重商摧騎鯨浩渺中

次韻實之春日

卷九
九
梅醺朝衣塵滿靴曾穿細仗對延和角巾久已尋初服
錦帳何須戀舊窩能讀書人天下少不如意事古來多
半生寂寂因迂濶垂老方驚歲月蹉

再和

少小從軍事袴鞬祇今廟算主通和寇來復去兔三窟
民散未收烽一窩

建炎有盜
名一窩烽

病覺風光於我薄老知書

冊誤人多罪言著就淡藏所自笑狂生壯志蹉

三和

長劒挂頤刀納鞞得如曝背趨陽和買鄰底用百里價
好事爭為十二窩異日史臣應有考同時朝士欲無多
與君死守西山學莫遣人譏末路蹉

四和

朱門畫鼓舞宮靴應笑狂歌似采和露坐一生無步障
春游是處有行窩紹興讜議誰常續元祐全人本不多
辦取九年同面壁未應末後話頭蹉

五和

頽然一榻懶巾靴二月東風尚未和
雀闔屋簷來住宿蜂銜窗紙去為窠
牢愁余髮五分白健思君才十倍多
欲訪東臯賢鼻祖幾迴路與醉鄉蹉

六和

生怕將軍手浣靴安能柔軟舞靈和
艱虞夷甫方謀窟老懶堯夫少出窩
時事系棋如許急春愁抽繭未為多
終南一徑非常捷自是吾徒問路蹉

五月旦日鷄鳴夢袖疏墀下先君問言何事答曰

猶素論也先君太息稱善聞追班聲驚寤以詩
識之

夢中候對殿東廂邂逅先親問答詳確磨不能移素論
曝片終欲獻清光觸屏訓誥生猶臭攀檻傳名死亦香
君父臨之安所避凌晨起坐涕淋浪

恭京云如劉安世
確揚唐唐止說元

祐是

題趙別駕委齋

乍看華扁費尋思徐叩微言極坦夷無可奈何安命者

吾非惡此欲逃之萬羊賦祿渠前定二鳥蒙恩彼一時
卻被委齋叅透了不求符竹止求祠

讀邸報二首

並驅華轂適通達中路安知判兩岐邪等惟余尤甚者
好官非汝孰為之累臣放逐無還理陛下英明有寤時
聞向蕭山呼渡急想追前事亦顰眉

瑤編對秉初修筆粉署同攜夜直衾虎氈蒙皮甘搏噬
鶴因瘡羽久呻吟盡歸一網機猶淺橫說三綱害最深

想到鄮山多暇日
軒書毋惜細研尋

自和二首

橫身久塞揚朱路
灑泣俄悲墨子岐
陋矣射鉤而中者

壯哉鳴鼓以攻之
侍讀自無遷府分

梅詢晚年指其足曰是有鬼使我

不至
兩府

中丞還有僦船時

舒亶去國
僦客舟歸

八風舞罷君恩歇
羸

得閒愁上兩眉

貴豪渠已重金帶
貧病儂猶舊布衾
鍾阜解仇無宿憾

荆公與呂
吉甫解仇

荆江感事有新吟

山谷有荆江書事
十絕建中初所作

早知餘

耳交難保晚覺王何罪未深白首還鄉應閉戶斷無保
社可追尋

和實之讀邸報四首

祝鮀非是佞呂僕未為凶鬼谷從橫舌終南詭秘蹤斷
無麟在數獨有鼠穿墉千古誰傳匹依稀似敬宗

穿鑿彊揮塵跳梁勇執弓矯誣天亦怒驅逐國為空笑
裏刀常有盟邊甲已衷拾遺端可拜誅佞筆生風

張萬福拜

拾遺王仲書等
于延英門下

外觀殊偉岸內稟極儉柔欲取漢清議盡投唐濁流鬼
車鳴甚惡猛虎死方羞芳臭須臾判哀哉不善謀

一抨初駭聽雙淚漫求哀極口誣賢者甘心譽彼哉

其人

皆引管仲見擊

早知豺不食安用鴟為媒試問高陽里迎車幾

兩來

再和四首

孤鳴工作巢鴉譟每為凶曾覲初尸罪丘門永削蹤謀

身真有窟鑿趾欲無墉

鑿墉之趾以益其高

力擊延齡去堂堂似

元宗

舊知偏下石，遠避亦傷弓。
留落周南衆，蕭條冀北空。
萬言徒飾詐，雙淚却由衷。
王績何曾醉，劉蕡本不風。

噬人侔虺毒，害物比貓柔。

李義府柔而害物，號人貓。

清議姑驅逐，寬恩未

放流。劍誅張禹佞，扇障褚淵羞。
諫筆非私忿，惓惓為國謀。

伏閣何其壯，登舟得許哀。
人多稱快者，上豈少思哉。
惡草毋留種，天桃不待媒。
九重方遠佞，寧放鄭詹來。

挽李卿儔老

苦說兵財少臣非怯塞垣上思前語驗人嘆左遷冤老
大雲中守風寒國北門故交頭白盡空為賦招魂

洛陽橋

周時宮室漢時城廢址遺基刻已平乍見橋名驚老眼
南州安得有西京

同安

城不能高甫及肩臨風搔首一懷賢當時矮屋今存否
曾著文公住四年

龍溪道中

曠土茫茫無主名
朱門唯恐籍分明
老農猶記淳熙事
太息文公志未行

朝惠道中

春深絕不見妍華
極目黃茅際白沙
幾樹半天紅似染
居人云是木綿花

循梅路口四首

輓客紛紛露刃過
斷無微吏敢譏訶
身今自是牢盆長

較爾能賢得幾何

道吏倉忙乞調兵未應機動遣鷗驚傳聞老子單車至
慚愧偷兒讓路行

鈔法如弓末愈張可堪于此更求詳祇應新執牙籌者
拾得研桑肘後方

三十年來邊宿兵大農無計飽連營元來有箇浮鹽策
南渡諸賢未講明

白雲庵

太行以北海豐南我與梁公各有慙兒五十餘親八十
可堪來宿白雲庵

東坡故居二首

嘉祐寺荒誰與葺合江樓是復疑非已為韓子騎驎去
不見蘇仙化鶴歸

惠州副使是新差定武端明落舊階盡遣秦郎晁子去
只攜周易魯論來

豐湖三首

岷峨一老古來少杭穎二湖天下無帝恐先生晚牢落
南遷猶得管豐湖

小米侍郎生較晚龍眠居士遠難呼不知若箇丹青手
能寫微瀾玉塔圖

作橋聊結衆生緣不計全家落瘴烟內翰翻身脫犀帶
黃門勸婦助金錢

羅湖三首

平生不作賈胡留怪底江邊未發舟龍吏不須前白事

更忙定要看羅浮

中州無地堪投足
垂老攜家泛瘴江
不愛朱丹畫車轂
且貪紫翠入船窓

異境微茫在半霄
僊人垂手下相招
老來尚有君親念
未敢相陪過鐵橋

扶胥二首

一陣東風掃噎霾
天容海色豁然開
何須更網珊瑚樹
祇讀韓碑也合來

前祭京師奉祝詞尊嚴不比百神祠臺家今歲籌邊急
黃帕封香已過時

唐子西故居二首

一州兩邊客無地頓竒材方送端明去還迎博士來
無盡頗縱橫晚方攻蔡京猶稱賢宰相應為客先生

卽事四首

香火萬家市煙花二月時居人空巷出去賽海神祠
東廟小兒隊南風大賈舟不知今廣市何似古揚州

瓜果踞拳祝暎羅撲賣聲粵人重巧夕燈火到天明
吾生分裂後不到舊京遊空作樊樓夢安知有越樓

藥洲二首

役民如犬馬國破作降俘往往湖中石宣和良獄無
怪怪奇奇石誰能辨醜妍莫教贊皇見定輦入平泉

廣州都試

時攝帥

自昔番禺統府雄君恩暫許領元戎不差短髮垂肩白
且愛前旌照眼紅筆久不靈妨草檄臂新無力怯開弓

即今超距多臬俊安用輜車載此翁

燈夕三首呈劉師

士女如雲服珥鮮暫陪獵較亦欣然清于坡老游杭市
儉似乖崖在劔川使指何功煩卜夜遨頭此念可通天
粵人擁道千層看不見狨鞍三十年

陌上遊人越管絃豈知君相尚籌邊細聽野老交談處
猶記兵端未動前草市收燈如許早端門瞻蹕定何年
書生晚抱憂時志歸盡殘灰理舊編

白鶴故居

天稔中原禍朝分黨部爭當年誰宰相此地著先生故
國難歸去新巢甫落成如何鯨浸外更遣打包行

唐博士祠

博士位猶卑投名入黨碑今觀名世作多在謫官時太
史沅湘筆儀曹永柳詩新祠綿蕞爾未盡復遺基

六如亭

吳兒解記真娘墓杭俗猶存蘇小墳誰與惠州耆舊說

可無坏土覆朝雲

再題六如亭

余既修廢墓立仆碑或者未解此意明年北歸賦此解嘲

昔人喜說陞樓姬前輩尤高斷臂妃
官伴主君來過嶺不妨扶起六如碑

十五里沙

只見如山白浪飛更堪動地黑風吹
渺茫直際九州外洶湧常如八月時
河伯豈能窮海若靈胥僅可嚇吳兒
惜無散髮騎鯨友共了南遊一段奇

送項使君季約二首

世有疑香樂君侯，搃未知清齋燈火夕。
閉閣荔支時，郡小留難住。民愚去始思，兩年案頭筆一字不容私。

但見兩眉顰，何曾一饌珍。節如僧更苦，家比郡尤貧。
琴鶴均為贅，尊鱸頗切身。蕩山有來雁，莫惜寄聲頻。

送王梅州二首

州境與潮鄰，徐行止決旬。瘴鄉均一氣，監子亦吾民。
日晏煙嵐歛，兵餘戶口貧。定將田里事，閑閣細條陳。

禍始自三槍菑猶被一方帝將安渤海君官薄淮陽老
手何憂斷新眉尚費粧漢庭褒郡最早晚入為郎

辛卯春日

甫報弓旌召俄聞彈射攻正如飲甘露

諸不能受人惡言如飲甘露者

不名為有力大人語見佛書

又似斬春風雲夢吞伊輩須彌納箇中

故山多芋栗不必問狙公

挽唐伯玉常卿

身自無安處昇州更廣州逐教子方去死到了翁休鳳

至虞廷喜麟亡魯野愁憂時兼悼友白却九分頭

送居厚弟堂稟二首

俱被光華遣同歸寂寞濱吾災因抱槩子咎在埋輪記
憶煩明主招徠到遠臣要須留晚節它日白先人

怕與親朋別那堪送子行天威難俟駕秋暑勿貪程若
見知名士為言不慧兄孤危托君相耕釣畢殘生

居厚不果行次韻二首

物色來林下安排起海濱居然蒙錦窠幸未駕蒲輪非

我瑕疵女云誰毀譽臣只愁從此去未易致虞人

祖帳方消吉公車已足行若非露消息未免迫期程水
菽姑娛母茅柴且酌兄未應天祿閣便欠一更生

送陳霆之官連州

地接湖南境孤城若箇邊
菲寮愁問宿峽石善驚船
官小無迎吏詩工有續編
古人高妙處不過覽山川

和張簡簿尉韻

舊案依稀在栢臺
寄聲杭本莫翻開
騎驢導從兩黥挾

羅爵門庭幾客來，務觀可堪供史草。
補之不會作宮梅，男兒盍建橫行策。
免使君王歎乏材。

送李用之察院赴潮州

昔在番禺驚策時，瞽言不敢計從違。
固知國有三空患，人欲民無再推譏。
筋裹為生尤瘠薄，牙籌所積恐纖微。
公卿文學方矛盾，應待囊封決是非。

書事二首

潘柄考亭門人陳均福公族子皆年七十餘而客死

謙之緇翬迎歸福，平甫灰釘送返莆。
空累兩家營後事，

借留四壁遺諸孤學徒誰是單傳者史藁曾經乙覽無
貧富皆當終牖下招魂何處有神巫

二士平生極好修簞瓢之外尚何求暮年更傍誰門戶
故國無如某水丘華簣殊非愛曾子短衾自可覆黔婁
小車處士差安穩十二行窩取次游

送葉士巖二首

曾約還轅訪爵羅幾迴掃榻佇經過待先生敬雖如此
與老人期余後何走馬看花消許急殺鷄為黍誤儂多

吳中故舊還相問一臂偏枯兩鬢皤

向來參請徧諸方恍惚如癡亦似狂雪與膝平猶未退
斤從鼻過了無傷拈花弟子知誰悟撼樹羣兒不自量
極欲為君露消息天寒日短話頭長

甲辰春日二首

買牛搜粟向蠻煙衰病安知壁偶全使者召歸曾四輩
臣之得罪又三年柳劉漏語誰云爾絳灌憐才定不然
縱使有泉堪洗耳先生此媿若為前

學問過時已悍堅文章垂老未精專薰琴何患無賡載
秋扇明知有棄捐舊讀溫尋渾不記新吟鍛鍊久方圓
此生幸不當詞翰免被人嘲上水船

題小室二首

已向澳林卓小庵是中僅可着禪龕士師何止三無愠
中散居然七不堪一去重華那復得方當盛漢勿多談
近來弟子俱行脚誰伴山僧面壁參

阡陌東西山北南半生常帶散人銜何曾雲夢芥八九

一任狙公芋四三閣上大夫投欲死甕間吏部寢方酣
可憐子駿無家法下見先人面有慚

送表弟方時父

棄置空村飽世情高軒乃肯顧柴荆韓甥殷浩貧親戚
李益盧綸外弟兄兩鬢蕭疏驚老大一燈明滅話平生
刺桐花下逢予李多致詩人未害清

贈施道州二首

施先生學有源流家自長安徙益州疇昔建牙當一面

祇今失國託諸侯
身倚嶽麓無生計
目斷岷峨起暮愁
聞道漢庭須黼黻
蜀珍那得此淹留

烽煙突過劔門關
西顧于今尚未寬
早晚相如通楚道
蒼皇子美問長安
拮据自笑營巢拙
枿鑿明知合轍難
縱有望鄉樓百尺
淡煙衰草莫凭欄

夢方孚若二首

仙鬼微茫果是非
不如遼鶴有歸期
鑄成范蠡何嗟及
繡作平原未必知
歌扇舞裙風雨散
野田荒草古今悲

可憐一覺寒窓夢猶記聯鞍出塞時

寤寐中原獨着鞭往來絕域幾餐壇封侯反出李蔡下
成佛却居靈運先八百里烹饗軍肉九十縑輦作碑錢
祇今誰是田橫客回首荒丘一慨然

哭孫季蕃

每歲鶯花要主盟一生風月最關情相君未識陳三面
兒女多知柳七名自有菊泉供祭享不消麥飯作清明
老身獨殿諸人後吟罷無端雪涕橫

懷曾景建

曾有春陵逐客篇
流傳哀動紫陽仙
安知太白長流處
亦在重華野塋邊
碎板一如坡貶日
蓋棺不見檜薨年

誰云老眼枯無涕
聞說臨川即泣然

蔡李通貶道州君
儀之云四海朱夫

子徵君獨典刑青雲伯夷傳白首太玄經有客憐孤憤
無人問獨醒瑤琴空鎖恨絃斷不堪聽晦翁喜之手書
其詩君亦貶
死道州異矣

內翰洪公舜俞哀詩二首

憶昔端平典冊新
三麻九制筆如神
內庭喚作真學士

晚輩推為老舍人垂死遺言尤苦口平生諫疏最嬰鱗
建邛不作于潛死誰為君王說厚倫

回首揚州一夢餘故交已直玉堂廬寒暄未省通君實
窮薄空煩誦子虛甚媿丈人于甫厚孰云夫子不回如

君除中含
舉余自代殘年無復陪精論開闔平生幾幅書

送李漕用之二首

斜飛慶厯黃華遠捷出熙寧使指新但記歐公更此職
不知趙濟是何人

為常平劾
富公者

剡章徧及孤寒士奮筆先

誅聚斂臣自歎暮年衰颯甚美君老手獨埋輪

漢廷鹽鐵議交攻有詔姑惟舊法從聞道嶺南歌聖主
一如河北感仁宗向舒自是堪王佐桑孔安知富大農
它日公歸奉清問可無鯁論贊烹封

答謝法曹

二詩簡澹掃穠華作者幾無以復加壁十五城方定價
桃三千歲一開花選騷意度卑唐體晉宋文章讓謝家
莫道老夫今老矣平章此事不應差

三月二十一日泛舟六絕

少游款段何從借伯厚雞棲未易求
看取後村翁簡徑
百錢聊稅一漁舟

橋低水漲過船難旋拆船篷復旋安
未免屈蟠篷底坐
誰教君愛切雲冠

雖沈壁馬計安施倏忽桑田變渺瀰
說與神通君看取
潮頭不到艮山祠

溪北溪南一雨通山村佳處便掀篷
老身不怕無安處

着在漁翁保社中

稚子呼牛婦鋤耕早秧水足麥風清老農喜極還垂涕
白首安知再太平

本朝耆舊數君宗老監軒昂洛社中後五百年人定說
過江復有戴花翁

三月二十五日飲方校書園十絕

纔入中年會面難安知白首此團欒不妨時駕柴車出
只作初騎竹馬看

伯兄廼漢司徒掾季子亦唐行秘書只願荆花常爛漫
莫令瓜蔓稍稀疏

自古根深枝葉蕃百年喬木到今存只留諫草傳家世

莫着輶車辱戶門

褚方回以輶車給從弟照
照大怒曰着此辱門戶

西舍鳴笳索賦詩東家拽石請書碑眼中除却壺山外
多是新知少舊知

呼來不許望清光麾去奚堪作省郎莫是身後劉快活
插花重入少年場

石室十年不復開
庭花無語委蒼苔
席間舊客惟枚叟
白髮重將屐齒來

空留薜石仆斜陽
不見奇章與贊皇
何必雍門彈一曲
蟬聲極意說淒涼

百年如電復如風
昨日孩提今日翁
乍可生前程醉漢
也勝死後謚愚公

早退分明勝一籌
年行六十復何求
東門瓜與南山豆
誰道君恩薄故侯

後有良工識苦心今無善聽孰知音老來字字趨平易
免被兒童議刻深

送王實之倅廬陵二首

芻言當日偶然同白首家山各固窮海內僅存一畏友
人間遂有兩愚公似聞黃閣登迂叟且向青原訪醉翁
此士未應無着處棲棲十載六治中

君去江邊春色濃郡花照席萬枝紅守分風月元非贅
吏白文書但託聾黃本何堪處秦觀白麻近已拜申公

早歸了却蘭臺史莫久吟詩快閣中

挽湯仲能二首

拔起真三秀分飛祗二難怕趨丞相熟寧忍後山寒

關

老徒書局徂徠不諫官如何令國奕白首局傍觀

訃至聲三日悲來贖百身太丘州里化伯起子孫貧零
落歐門士消磨濮議人殷勤齋掬淚一灑素車塵

題方友民詩卷

刪定實惟曾大父文忠况是老先生力行所學斯無媿

偶發于詩亦有聲合止笙鏞成雅奏挾挑草木示微情
嗟予公事君歸興不得相從細講明

題餘干姚三錫書鈔

頃傳湯序心傾挹茲得姚鈔手闔開朱子所疑非孔傳
漢儒之罪甚秦灰時清縱未經筵召歲晚寧無掌故來
攬轡遠臣慙力薄不能為國論遺才

追和南塘韻呈湯伯紀尹子潛

誅南浦了誅餘杭各掩新丘若奎堂不見天球在東序

競吹宮籥奏西涼後生誰附青雲傳故吏惟餘白首郎
浩歎縹縹雙鳳遠老身如雁漫隨陽

題祭炷主簿詩卷

舊止四人為律體今通天下話頭行誰編宗派應添譜
要續傳燈不記名放子一頭嗟我老避君三舍與之平
由來作者皆攻苦莫信人言七步成

九日登辟支巖過丁元暉給事墓及仲弟新阡二
首

絕巔萬籟盡沈沈倚欄干感慨深古佛龕中苔上面
故交冢上樹成陰山無白額妨幽討野有黃花且滿斟
莫怪裴徊侵暮色老人能得幾登臨

歷歷向時遊覽處重來年已迫桑榆大袞尚欲同林下
華表安知忽路隅自古曾悲摘瓜蔓即今不共插茱萸
人生患不高年爾到得年高萬感俱

答循倅潜起

別後書稀夢亦稀忽傳尺素到柴扉不知天驥方徐步

將謂雲鵬久怒飛句律斬新過似舊姓名略是復疑非

長官僊去賓朋散存者依稀有杜微

亡友鄭君瑞為閩清宰君為主簿余

始識君于縣齋

宋詩鈔卷九十